



Broj predmeta: UP-I-KSI-09-02/24

Datum: 28.03.2024. godine

Na osnovu člana 25. stav (1) tačka a) i b), člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj: 19/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane F. S., ██████ br. ████, Brčko, člana Upravnog odbora JP „Putevi Brčko“ d.o.o. Brčko distrikt Bosne i Hercegovine, nosioca javne funkcije, na 84. sjednici, održanoj dana 28.03.2024. godine, donosi

RJEŠENJE

1. **UTVRĐUJE SE** da je F. S., ██████ br. ████, Brčko, kao nosilac javne funkcije, član Upravnog odbora JP „Putevi Brčko“ d.o.o. Brčko distrikt Bosne i Hercegovine, postupio protivno odredbama člana 21. stav (3) Zakona o sprečavanju sukoba interesa u institucijama Brčko distrikta Bosne i Hercegovine, na način da u roku od 30 dana od dana prestanka obavljanja javne funkcije Komisiji za odlučivanje o sukobu interesa, nije dostavio obavještenje o prestanku obavljanja javne funkcije člana Nadzornog odbora JZU “Zdravstveni centar Brčko“ Brčko distrikt BiH i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja.
2. **UTVRĐUJE SE** da je F. S., kao nosilac javne funkcije, član Upravnog odbora JP „Putevi Brčko“ d.o.o. Brčko distrikt Bosne i Hercegovine, postupio protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine na način da u roku od 30 dana od dana stupanja na javnu funkciju, Komisiji za odlučivanje o sukobu interesa nije podnio izvještaj o imovinskom stanju nosioca javne funkcije.
3. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, F. S., se shodno članu 39. stav (1) tačka b) Zakona izriče novčana kazna, i to obustavom dijela isplate naknade, koju nosilac javne funkcije prima za obavljanje javne funkcije u iznosu od 20% (dvadeset posto) neto naknade.

Obrazloženje

F. S. na osnovu Odluke Skupštine Brčko distrikta BiH, broj: [REDACTED] od 13.03.2019. godine obavljao je funkciju člana Nadzornog odbora JZU "Zdravstveni centar Brčko" Brčko distrikt BiH do 12.03.2023. godine. Odlukom Skupštine Brčko distrikta BiH, broj: [REDACTED] od 24.05.2023. godine imenovan je za člana Upravnog odbora JP „Putevi Brčko“ d.o.o. Brčko distrikt Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Prilikom redovne provjere tačnosti i potpunosti podataka iz Registra imovine nosilaca javne funkcije, tokom decembra 2023. godine, Komisija za odlučivanje o sukobu interesa je uočila da F. S., član Upravnog odbora JP „Putevi Brčko“ d.o.o. Brčko distrikt Bosne i Hercegovine od 24.05.2023. godine, nije dostavio Komisiji obavještenje o prestanku obavljanja javne funkcije u roku od 30 dana od dana prestanka obavljanja javne funkcije i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja nakon prestanka obavljanja funkcije člana Nadzornog odbora JZU "Zdravstveni centar Brčko" Brčko distrikt BiH s danom 12.03.2023. godine.

Uvidom u obavještenje i Obrazac o javnoj funkciji i nosiocu javne funkcije-Aneks I, dostavljen Komisiji za odlučivanje o sukobu interesa od strane JP „Putevi Brčko“ d.o.o. Brčko distrikta BiH dana 02.02.2024. godine shodno članu 18. Zakona, utvrđeno je da je F. S. kao član Upravnog odbora JP „Putevi Brčko“ d.o.o. Brčko distrikta BiH stupio na javnu funkciju dana 24.05.2023. godine.

Naime, nosilac javne funkcije F. S. Komisiji za odlučivanje o sukobu interesa, nije dostavio Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja u roku od 30 dana od dana stupanja na javnu funkciju člana Upravnog odbora JP „Putevi Brčko“ d.o.o. Brčko distrikt Bosne i Hercegovine.

Shodno navedenom, a nakon prijema Aneksa I, Komisija za odlučivanje o sukobu interesa je dana 08.02.2024. godine, po službenoj dužnosti, zaključkom broj: UP-I- KSI-09-02/24 pokrenula postupak protiv nosioca javne funkcije, F. S., [REDACTED] br. [REDACTED], Brčko, nosioca javne funkcije, člana Upravnog odbora JP „Putevi Brčko“ d.o.o. Brčko distrikt Bosne i Hercegovine, radi sumnje da nije dostavio Komisiji za odlučivanje o sukobu interesa, obavještenje o prestanku obavljanja javne funkcije člana Nadzornog odbora JZU "Zdravstveni centar Brčko" Brčko distrikt BiH i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, u roku od 30 dana od dana prestanka obavljanja javne funkcije čime je postupio protivno odredbama člana 21. stav (3) Zakona o sprečavanju sukoba interesa u institucijama Brčko distrikta Bosne i Hercegovine, kao i radi sumnje da nije dostavio Komisiji za odlučivanje o sukobu interesa, Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, u roku od 30 dana od dana stupanja na javnu

funkciju, čime je postupio protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana prijema zaključka.

Nakon prijema Zaključka o pokretanju postupka, broj: UP-I-KSI-09-02/24 od 08.02.2024. godine, zaprimljen dana 17.02.2024. godine, F. S. iz Brčkog, nosilac javne funkcije, član Upravnog odbora JP „Putevi Brčko“ d.o.o. Brčko distrikt Bosne i Hercegovine, dana 12.03.2024. godine, dostavio je Komisiji Izjašnjenje u kojem je naveo da je istina da nije dostavio obavještenje o prestanku obavljanja javne funkcije člana Nadzornog odbora JZU “Zdravstveni centar Brčko“ Brčko distrikt BiH i Izvještaj o imovinskom stanju, jer je Izvještaj o imovinskom stanju za 2022. godinu predao u martu mjesecu 2023. godine, u istom mjesecu kada je prestao obavljati funkciju člana Nadzornog odbora JZU “Zdravstveni centar Brčko“ Brčko distrikt BiH, te nije znao za obavezu da nakon prestanka funkcije je dužan ponovo podnijeti izvještaj o imovinskom stanju. Nakon održane edukacije od strane Komisije za odlučivanje o sukobu interesa, rečeno je, između ostalog da je obaveza dvije godine nakon prestanka mandata odnosno obavljanja javne funkcije, dostaviti Izvještaj o imovinskom stanju, međutim nije registrovao činjenicu da se Izvještaj o imovinskom stanju treba predati odmah nakon prestanka mandata, a kako je izvještaj o imovinskom stanju za 2022. godinu predao u istom mjesecu kada je prestala funkcija, nije znao da mora odmah predati Izvještaj i nakon prestanka obavljanja funkcije, nego da će tu obavezu izvršiti na kraju 2023. godine. Takođe, u istom izjašnjenju navodi da se ovdje ne radi o namjernom izbjegavanju obaveze o podnošenju Izvještaja, nego samo o nespretnom poklapanju termina i tumačenju zakonskih propisa.

Član 21. stav (3) Zakona o sprečavanju sukoba interesa u institucijama Brčko distrikta BiH, propisuje da je nosilac javne funkcije dužan dostaviti Komisiji obavještenje o prestanku obavljanja javne funkcije i Izvještaj o imovini u roku od 30 dana od dana prestanka obavljanja javne funkcije.

Član 19. stav (1) Zakona o sprečavanju sukoba interesa u institucijama Brčko distrikta BiH, propisuje da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj o imovini, za sebe i bračnog i vanbračnog druga, djecu, druge članove porodičnog domaćinstva kao i lica prema kojim nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda Zakona, s obzirom na to da je F. S., kao nosilac javne funkcije, propustio da u roku od 30 dana od dana prestanka obavljanja javne funkcije dostavi obavještenje o prestanku obavljanja javne funkcije člana Nadzornog odbora JZU “Zdravstveni centar Brčko“ Brčko distrikt BiH i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, kao i da u roku od 30 dana od dana stupanja na javnu funkciju nije dostavio Komisiji za odlučivanje o sukobu interesa, Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, čime je postupio protivno gore navedenim zakonskim odredbama.

Član 38. Zakona propisuje kazne nosiocu javne funkcije koji postupi suprotno članu 19. i 21. Zakona o sprečavanju sukoba interesa u institucijama Brčko distrikta Bosne i Hercegovine, dok su članom 39. Zakona propisane novčane kazne nosiocu javne funkcije koji postupi suprotno odredbama člana 19. i 21. Zakona.

Komisija je, shodno članu 39. Zakona o sprečavanju sukoba interesa u institucijama Brčko distrikta BiH, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona.

Komisija je cijenila činjenicu da je F. S., nosilac javne funkcije, a kako je naveo i u izjašnjenju, nenamjerno propustio da podnese u roku obavještenje o prestanku obavljanja javne funkcije, Izvještaj o imovinskom stanju nakon obavljanja javne funkcije, kao i Izvještaj o imovinskom stanju nakon imenovanja na novu javnu funkciju, te činjenicu da je F. S. odmah po prijemu Zaključka dostavio Izvještaj o imovinskom stanju. Komisija je uzela u obzir i okolnost da je nosilac javne funkcije već podnosio Komisiji Izvještaj o imovinskom stanju, prisustvovao edukacijama, te da je kod nosioca javne funkcije morao postojati obrazac ponašanja kao nosioca javne funkcije i svijest o obavezama, koje javna funkcija nosi, pa je cijeneći ponašanje imenovanog prema povredi odredaba Zakona kao i opredijeljenost imenovanog da postupi u skladu sa Zakonom, te otkloni razloge koji su ga doveli do kršenja Zakona, te da je odmah podnio Izvještaj o imovinskom stanju. Komisija je na osnovu svega navedenog odlučila da se izrekne novčana kazna obustavom dijela isplate neto mjesečne naknade, koju nosilac javne funkcije prima za obavljanje javne funkcije u iznosu od 20% (dvadeset posto) neto naknade, kako je to navedeno u izreci rješenja i da ista u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4. 25. i 39. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

- F. S., [REDAKT] br. [REDAKT], Brčko distrikt, BiH,
- Evidenciji i
- Arhivi